

LOGO BAŊA TIGISIM NABIINA ŊWE-LAO WADE

PULIM

De na sE we nabiina ŋwea de logo baŋa chega chwoŋa wadE maama kugu zege logo maama wopwolo, de chega de yezura baŋa ne.

De na sE we de na ba tɔge chega chwoŋa to mo jaane nikantɔgɔ de tigura de popɔra ko twi nabiina laŋa ne, ye nabiina maama yaa lage se wopwolo de yezura yaa taa wora.

De na sE we nɔɔno maama taa tei o tete se tigura de popɔra ye taa wora, fefeo de peenem ŋwaane, se wadE sem ja kuri.

De na sE we teene maama taa jege wolim, de ni sEEm de mimɔrɔ.

De na sE we "UN Charter" tɔnɔ kom paŋe ko sE wadE sem ŋwea wolim ŋwaane se baara de kaana taa ye bedwe logo ywonni de wopwolo de yezura ŋwaane.

De na sE we UN Tigisim teene dem maama ke nimɔrɔ se chega chwoŋa wadE sem ja kuri nabiina zula de wopwolo ŋwaane.

De ta na sE we ko yaa lamma lanyerane se de ni wadE sento kuri se ko ja wopwolo de yezura ko ba logo baŋa.

De Laam wo se we

"General Assembly" dem pE

Logo Baŋa Tigisim WadE sem se ko taa ye woŋ-kolo kodoo na wo woli ko ja wopwolo de logo fɔgem de yezura na wo pa nabiina ŋwea taa jege kuri logo baŋa maama ne to.

Wadaa 1

Ba loge nɔɔna maama se ba taa ye bedwe mo ba ɲwea de ba chega seini, ye fefeo teira kɔtaa. Wɛ pɛ ba swa de boboɲa mo se ba taa ye nubiɯ daane ye ba jege da ɲwaɲa.

Wadaa 2

Logo baɲa tigiɣim waɗɛ sem pɛ chwoɲa se nɔɔno maama taa jege chega chwoɲa na wo pa ba ɲwea taa jege zula to. Waɗɛ sem ta we ba ba fee nabiinu o chega chwoɲa ne naa ba chɛɛse o dwi o yetana, o logo lane, o wɛ jɔɔnɔ naa o boboɲa ɲwaane. Waɗɛ sem ta we ba ba jege se ba taa chɛɛse nɔɔno we o ye baaro naa kaane, kwoo o jejegero naa ba na loge o mɛ to ɲwaane.

Waɗɛ sem ta tage se woli da we popɔra ba jege se ka taa wora nabiina laɲa ne ba teo politiksi naa ko waɗɛ naa ko na ye kolo to ɲwaane. Naa ba pɔɔre nɔɔno we o nwoɲi teo kolo ta na wo vere ko tete to ɲwaane.

Wadaa 3

Ko ye nɔɔno maama chega chwoɲa mo se o taa ɲwe ye fefeo naa foonee teira.

Wadaa 4

Wadaa kam we nabiin-yeiku naa kabɛ totoɲa naa kabɛ pipio daa ye taa wora logo baɲa ne.

Wadaa 5

Ba ba jege chwoɲa se ba pa nɔɔno yaare cham yerane ko na wo maɲe se nabiinu yaare tei to.

Wadaa 6

Nɔɔno maama ye nabiinu mo o ze paɲ o wo mɛ maama logo baɲa yoba. Logo baɲa waɗɛ sem maama yiga ne, wadaa teira na wo ta we o dae nabiinu.

Wadaa 7

Nabiina maama ye bedwe mo wadaa yiga ne. Wadaa choo nɔɔno maama mo; ka ba pɔɔre nɔɔna ka yaga. Ka kwoli nabiina maama mo se wolo wolo ye chɛɛse o dwoɲ.

Wadaa 8

Nɔɔno maama wae o saɲ nɔɔno o dwoɲ kɔɔte delo maama wone nenɛɛne ko tu na ke o chɔge teo kom wadɛ selo na pa nɔɔno wom ɲwea ywona to.

Wadaa 9

Ba baa wane ba ja nɔɔno yɔɔ yerane ba gare ba ke o peena diga naa ba zeili o o teo ne pa o vo zoora te-gaa ne.

Wadaa 10

Ba na jaane nɔɔno fee wora se ba di o sareya kɔɔte ne lanyerane ko maɲ de teo kom wadɛ na tiɲi tei to ba ni o seene o chɔge naa o wo chɔge.

Wadaa 11

Ba na jaane nɔɔno we o chɔge o maɲe waarem ba na wo di o bora tata ba ba jege chwoɲa ba te we chɔge fee wora se ba pa ko tu chwoɲa se o ja lɔya de sareya tiina se ba woli o se ba di taane dem kɔɔte ne.

Ba baa wane ba ta we nɔɔno yaa ke o chɔge naa ba ta we o ve se o yaa ke kolo na maɲe keim chega chwoɲa ne to, ye ka maɲa ne wadaa yaa teira ko ɲwaane. Ko kwaga ne tata ba baa wane ba pa nɔɔno waarem na dage de dwoi waarem delo dwi o deim yaa na wo jwoɲ o na chɔge maɲa kalo to.

Wadaa 12

Ba ba jege chwoɲa ba daane nɔɔno yɔɔ yerane o boboɲa keiri seini, naa o diga tiina, naa o sɔɲɔ de o pwola

totoŋa seini. Ba nam ba jege chwoŋa ba ke o kekeo kolo na wo chɔge nɔɔno wom yu to. Wadaa kanto choo nɔɔno maama mo o kekeo maama seini, ye daanem teira.

Wadaa 13

Nɔɔno maama wae o beiri o boboŋa na lage tei ye o zoore o boboŋa na lage mɛ maama to, o teo ne.

Nɔɔno maama wae o nwoŋ teo de teo, naa o tete teo ne o beiri o vei teo kodwoŋ ye o jwoora.

Wadaa 14

Nɔɔno wolo maama na nɛ chem o teo ne, o wane o duri o vo o taa zoore sateene dedwonna ne o wopwolo de yezura ŋwaane.

De ko de, o cham dem na dae nenɛɛne politiksi laŋa ne ko wo taa chamma se o duri o nwoŋ. O na chɔge teo kom wadɛ gɛ mo naa o kekeo kom na wo dɛ UN wadɛ sem na maŋe tei to sateene dedwonna baa sɛ de jwoŋ o mɔle mɔle.

Wadaa 15

Nɔɔno maama jege teo, o na nwoŋ mɛ.

Ba baa wane ba zeili nɔɔno o teo ne, naa ba fee o se o ye leiri teo o boboŋa na lage tei to.

Wadaa 16

Baara de kaana na bege ba ti to wae ba di daane ye ba yetana, naa ba na nwoŋ tekolo, naa ba na tɔge Wɛchoŋa kalo dwi to baa wane ko cheiŋi ba se ba ye di daane ba lɔ sɔŋɔ. Ye ba kadiri seini ba maama ma daane, ba zora de ba ŋwea seini, ye ba wae ba yage daane maŋa de maŋa, ba tete boboŋa na lage tei.

Kadiri wio ye baaro de kaane tete yerane na sɛ se ba zo daane, ye ko dae we nɔɔno mo fee ba to.

Sɔŋɔ tiina - baaro de o kaane de o bu - mo ye sayu kugu takeiri wone. Konto ɲwaane tekeiri dem de teo kom maama jege se ba taa ni ba baɲa ne mo, ba taa choo ba wolwanno maama wone.

Wadaa 17

Nɔɔno maama wae o jege o tete nyɔɔne wonno, naa o de o badwonna wae ba tei wonno daane.

Ba baa wane ba vere nɔɔno wonno naa ba pa se o ye taa lage wonno.

Wadaa 18

Nɔɔno maama wae o boŋ o na lage tei. O wae o ke o boboŋa keiri, o wae o tɔge Wechwoŋa kalo dwi o na
lage to; o nam ta wae o leiri o Wechwoŋa naa o boŋem o yerane naa o de kɔgɔ, ye o bere nɔɔna
Wechwoŋa kam o taane de o totoŋa seini.

Wadaa 19

Nɔɔno wae o ɛɔɔne o boboɔa na lage tei. O wae o tɛ kolo maama o na boɔe o yu ne, ye nɔɔno ba jɛge chwoɔa se o cheiɔi o ni. O wae o beiri labaare o boboɔa o daare o pae labaare dwi maama labaare tɔnno de walese bam maama wone se de jage jei mamma.

Wadaa 20

Nɔɔno maama wae o tɔge o zoore asɛmble naa tigusim dwi maama na ye yezura tigusim to.

Ba baa wane ba fee nɔɔno se o zo tigiŋim delo o na ba lage to.

Wadaa 21

Nɔɔno maama wae o tɔge o di o teo gɔmente paare; o nam ta wae o tɔge o voti o kuri nɔɔna o ke gɔmente dem wone.

Nɔɔno maama wae o jwoŋ wolim delo o teo gɔmente na jege de woli de nɔɔnbia maama to, ko ma da ko ma da.

Gɔmente maama dam wo taa tɔge de nɔɔnbia kwora na we tei to mo. Nɔɔnbia bam kwora kam mo yei ni ka bere nɔɔnbia bam na wo kuri ba gɔmente dem paare tiina tei to. Kurim dem jege se ko dɛ voti lao naga mo, se nɔɔno maama voti o boboŋa na laga tei to, ye se ko dɛ voti wadaa kam naga chekke.

Wadaa 22

Nɔɔno maama teo gɔmente jege se de taa choo o ŋwea laŋa ne de de dam, de de naduni dedaane de na jege nimɔɔ tei de sateene dedwonna to se ko pa nɔɔno wom ŋwea ja kuri se o wane o ji nɔɔno lanyerane.

Waada 23

Nɔɔno maama wae o ke totoŋ; o wae o kuri o boboŋa na dɛ totoŋ delo, ye fee wora se totoŋ dem taa jege kuri na pa o ywonni de wopwolo ye o ba lia we ba wo zaŋ ba le o totoŋ dem ne to.

Nɔɔno maama ka, ye ko ba chuli o na ye wolo dwi to, jege se o taa jwoŋ ŋweo na mae de o totoŋ dem dam na mae tei to mo.

Wolo maama na toŋa ko maŋ se o ŋweo taa ye zegere se ko wane ko ni o tete dedaane o diga tiina lanyerane. Ko ta maŋ se o taa nɛ fee o totoŋa jei ne.

Nɔɔno maama wae o tɔge o zoore totoŋa jei tigusim yalo na wo woli o o totoŋa laŋa seini to.

Wadaa 24

Nɔɔno maama jege chwoŋa se o taa jege sio de sio maŋa, dedaane hawase bagera o na o ke totoŋa jei ne to; ye o ta wae o jwoŋ daa bem wone o jeini sɔŋɔ ne o sia ye ba baa le o ŋweo wone.

Wadaa 25

Fee wora se nɔɔno maama taa ɲwe ɲwea na jege kuri ye ka ywoma ka pae o tete de o diga tiina to. Ko maɲe se wodiiru, zora jei, assibita na ni yezura seini to dedaane won-telo maama na wo woli pa se ɲwea taa ywoma to taa wora. Fee ta mo wora se wolim taa wora ko pae nɔɔno maama nenɛɛne o na ba toɲa, o na weela, naa o na jigi nabwom jaweo ɲwaane, o na ye badeim naa kadeim, o na kwe naa nɔɔno na ye zore tu, o ware se o ni o tete baɲa ne.

Fee wora se ba taa fage ba ni niina de bia baɲa ne lanyerane. Bu maama, o jege kwo yoo o ba jege kwo yoo, ko maɲe se ba ni o baɲe ne mo ba woli o se o ke nɔɔno.

Wadaa 26

Nɔɔno maama jege choɲa se o ke sikuuli. Sikuuli veiɲa, ko zege prameiri sikuuli ko vo yi Junia Sɛkondeiri Sikuuli, wo taa ye zɛɛra mo, ye ko ta ye fefeo mo se bu maama vo sikuuli se ko yi konto. Tɛkenekal Sikuula de totoɲa berem sikuula nenɛɛne Kɔlɛja de wo taa wora se balo na wo vo da to vo. Univɛsiti de sikuula kamuna yadwonna de wo taa wora se balo na paase ba tɛɛsa lanyerane to vo.

Sikuuli veiɲa naa tɔn-yeino ye se ko pa nɔɔno swa mo poore se o wane o lɔre kolo maama na lana ko pa nabiino se ko ja wopwolo de yezura ko ba to. Ko jege se ko ja nimɔɔ de badwoɲo mo ko ba de sateene logo baɲa ne, de nabiina dwi maama de wɛjɔɔna dwi maama se ko zeini logo baɲa tigisim totoɲa dwi maama na woli logo maama yezura to.

Tiina jege chwoɲa se ba kuri ba na wo taa lage se ba bia zamese tɔnɔ sikuuli delo dwi wone to.

Wadaa 27

Nɔɔno maama wae o tɔge o ke o nabaara kekeo o na lage tei, de keina yadwonna, de "Science" na jaane wodonno telo maama ko ba nabiina jirim naa wolim ɲwaane to.

Nɔɔno maama na popone o tɔnɔ o na yei kolo maama logo lam ɲwaane to, fee wora se ba zeini naa ba woli

o se o nɛ ko maana.

Wadaa 28

"United Nations" nia yanto ye se ko pa nabiino maama logo baɗa wolim, de wopwolo de yezura mo.

Wadaa 29

Nɔɔno maama jege fee totoɗa se o ke o na zoore takeiri delo maama ne to se ko pa se o taa ye nɔɔn-ɗwem se o ɗwea ke ywonni.

Nɔɔno fee totoɗa keiri wone o jege se o dɛ wadɛ sem na lage tei to mo. O ba jege se o ke o gaale naa o ke o chɔge badwonna wo. O nam ba jege chwoɗa o ke o chɔge kɔgɔ ywonni de nɔɔno wopwolo, kɔgɔ zula ɗwaane.

Nɔɔno maama na tɔge nabiina ɗwea de logo baɗa chega chwoɗa wadɛ sento o jege se o tɔge "United Nations" na lage se ko dɛ tei to mo.

Wadaa 30

Nɔɔno, naa nɔɔna, naa teo ye zaɗ ba boɗe we ba wo wane ba ke woɗo se ko leiri naa ko chɔge nia yanto ba na tiɗ tɔnɔ konto ne to.